

Et Bonnleedche

**Bonn, du bes die Stadt,
Die ming Hätz enjefangen hat,
E klein besje Jroßstadt a besje verdräump,
Häs Minsche us alle Natione vereint,
Du bes die Stadt, die uns all he verzaubert hat.**

De Landschaff es schön wie et Paradies
En die ons Städtche he enjebett es.
Et Siebenjebirje, dä Venusberch,
De Rolandsbore, dä Ring,
Ach wenn ich ald lang nit he wunne deit,
Ich köm op Urlaub he hin.

Refr. Bonn

En Bonn Castell hät der Römer jebaut.
Dem Ubier hät he et Jrundstück jeklaut.
In Friesdorf han se de Franke verjrove,
Die sin vör rund dausend Johr ald jesturve.
De Steinzeit scheck ons als schöne Jroß
Den Homo Oberkasselsius

Refr. Bonn

Op Äde vun Blindheit un Taubheit jeploch
Sproch Beethoven dennoch en himmlische Sproch
För all die Minsche der janzen Welt
Vum Schöpfer över dem Stänezelt,
Vun Freude un och vun Bröderlichkeit,
En Bonn do simmer bestemp e su weit.

Refr. Bonn

Mer han ne Sender en onsere Stadt,
Dä hät et sich zur Aufjab jemat,
In drissich Sproche he uszestrahle,
Wat sech bei ons all hät zojedrare.
Op deutschen Wellen schweb onser Kultur
No Tokyo, Lima un Kualalumpur.

Refr. Bonn

De Bundesrejierung es fottjeschaff,
De Zokunf litt en der Wissenschaft.
Em Schloflabor dösen de Forscher en Roh,
Et rünt, se sin möd un de Schranken sin zo.
Op et Alzheimerzentrum sin mer janzen versesse,
Domet mer dat Fessspillhaus schneller verjesse.

Refr. Bonn

De Bonner Bürjer han off add jekühmp,
Dat Bonn för su manche Baustell berühmp.
Em WCC setz der Staatsanwalt,
Doch dä kritt dat Drissdingen och nit bezahlt,
Am Rothus de Stars vum Basketball,
De Kennedy Brück es noch emmer jet schmal.

Refr. Bonn

**Text & Musik: Volker Kriegsmann
Arrangement:
Sven Heinze & Christian Kriegsmann**